

গণপ্রজাতন্ত্রী বাংলাদেশ সরকার
জাতীয় রাজস্ব বোর্ড
ঢাকা।

[মূল্য সংযোজন কর ও সম্পূরক শুল্ক]

প্রজ্ঞাপন

তারিখ: ৩০ জ্যৈষ্ঠ, ১৪২৬ বঙ্গাব্দ / ১৩ জুন, ২০১৯ খ্রিস্টাব্দ।

এস.আর.ও. নং-১৯৫-আইন/২০১৯/৫২-মুসক।— মূল্য সংযোজন কর ও সম্পূরক শুল্ক আইন, ২০১২ (২০১২ সনের ৪৭ নং আইন) এর ধারা ১৩৫, ধারা ১২৭খ এর সহিত পঠিতব্য, এ প্রদত্ত ক্ষমতাবলে জাতীয় রাজস্ব বোর্ড, নিম্নরূপ বিধিমালা প্রণয়ন করিল, যথা:

১। সংক্ষিপ্ত শিরোনাম।— এই বিধিমালা মৌসুমী ইটভাটা মূল্য সংযোজন কর বিধিমালা, ২০১৯ নামে অভিহিত হইবে।

২। সংজ্ঞা।— বিষয় বা প্রসঙ্গের পরিপন্থী কিছু না থাকিলে, এই বিধিমালায়-

- (ক) “আইন” অর্থ মূল্য সংযোজন কর ও সম্পূরক শুল্ক আইন, ২০১২ (২০১২ সনের ৪৭ নং আইন);
- (খ) “ইটভাটা” অর্থ ইট পোড়ানোর জন্য তৈরিকৃত যে কোনো স্থান বা ক্লিন, যে নামেই অভিহিত হউক;
- (গ) “এক সেকশন” অর্থ সর্বোচ্চ ১০৮,০০০ (এক লক্ষ আট হাজার) ঘনফুট আয়তনের এক চিমনি বিশিষ্ট কোনো ইটভাটা;
- (ঘ) “দেড় সেকশন” অর্থ সর্বোচ্চ ১২৪,০০০ (এক লক্ষ চব্বিশ হাজার) ঘনফুট আয়তনের উর্ধ্বে এক চিমনি বিশিষ্ট কোনো ইটভাটা;
- (ঙ) “দুই সেকশন” অর্থ সর্বোচ্চ ১,২৪,০০০ (এক লক্ষ চব্বিশ হাজার) ঘনফুট আয়তনের এক চিমনি বিশিষ্ট কোনো ইটভাটা;
- (চ) “বিধিমালা” অর্থ মূল্য সংযোজন কর ও সম্পূরক শুল্ক বিধিমালা, ২০১৬;
- (ছ) “মৌসুমী ইটভাটা” অর্থ এমন কোনো ইটভাটা যেখানে শুল্ক মৌসুমে হাতের সাহায্যে ইট প্রস্তুতকরণসহ নির্দিষ্ট সেকশনে ইট পোড়ানো হয়;
- (জ) “সেকশন” অর্থ কোনো ইটভাটার সেকশন।

ব্যাখ্যা।— কোনো সেকশনের আয়তন নির্ধারণের লক্ষ্যে দৈর্ঘ্য ও প্রস্থ পরিমাপের ক্ষেত্রে ইটভাটার বহিঃদেওয়ালের অভ্যন্তরভাগের, মোটর ব্যতীত অংশ, এক দেওয়াল হইতে অন্য দেওয়াল পর্যন্ত পরিমাপ করিতে হইবে এবং উচ্চতা পরিমাপের ক্ষেত্রে তলদেশ হইতে দেওয়ালের উপরিভাগ পর্যন্ত পরিমাপ করিতে হইবে।

৩। **কর আদায়।**— আইনের অধীন প্রণীত অন্য কোনো বিধিমালায় যাহা কিছু থাকুক না কেন, এই বিধিমালায় বর্ণিত পদ্ধতিতে মৌসুমী ইটভাটায় প্রস্তুতকৃত ইটের ওপর প্রদেয় কর আদায় করা হইবে।

৪। **সুনির্দিষ্ট করের পরিমাণ।**— আইনের ধারা ১৫ এর উপ-ধারা (৩) এর শর্তাংশ অনুযায়ী তৃতীয় তফসিলে উল্লিখিত প্রতি হাজার ইটের জন্য সুনির্দিষ্ট কর নির্ধারিত রয়েছে। উপ-বিধি (৫) মোতাবেক সেকশনভিত্তিক নিরূপিত ইটের বিক্রয়যোগ্য পরিমাণের ভিত্তিতে উৎপাদনভিত্তিক সুনির্দিষ্ট করের পরিমাণ নির্ধারিত হইবে।

৫। **সেকশনভিত্তিক ইটের পরিমাণ নিরূপণ।**— (১) প্রতি এক সেকশনে উৎপাদিত ও বিক্রয়যোগ্য ইটের পরিমাণ ১০ (দশ) লক্ষ, প্রতি ১.৫ (দেড়) সেকশনে উৎপাদিত ও বিক্রয়যোগ্য ইটের পরিমাণ ১৫ (পনের) লক্ষ এবং প্রতি ২ (দুই) সেকশনে উৎপাদিত ও বিক্রয়যোগ্য ইটের পরিমাণ ২০ (বিশ) লক্ষ বলিয়া গণ্য হইবে।

(২) কোনো ইটভাটার কোনো সেকশনে একাধিক চিমনি ব্যবহার করা হইলে উক্ত ইটভাটাকে সংশ্লিষ্ট সেকশনের দ্বিগুণ পরিমাণ সেকশন হিসেবে গণ্য করিতে হইবে।

(৩) কোনো ইটভাটায় কোনো সেকশনের দৈর্ঘ্য, প্রস্থ ও উচ্চতার পরিমাপ সংশ্লিষ্ট সেকশনের জন্য নির্ধারিত পরিমাপের অধিক হইলে কর নিরূপণের ক্ষেত্রে উক্ত ইটভাটার সংশ্লিষ্ট সেকশনকে পরবর্তী উচ্চতর সেকশন হিসেবে গণনা করিতে হইবে।

৬। **কর পরিশোধের পদ্ধতি।**— (১) কোনো মৌসুমী ইটভাটা প্রতিষ্ঠান, অতঃপর উক্ত প্রতিষ্ঠান বলিয়া উল্লিখিত, প্রতি অর্থ বৎসরে তদকর্তৃক প্রস্তুতকৃত বা প্রস্তুতহীন ইটের উপর প্রদেয় কর পরিশোধের লক্ষ্যে এই বিধিমালার সহিত সংযোজিত “ফরম” এ প্রতি ইংরেজি পঞ্জিকাবর্ষের ১০ই ডিসেম্বরের মধ্যে তিনটি কপিতে বিভাগীয় কর্মকর্তার বরাবরে একটি ঘোষণাপত্র দাখিল করিবে।

(২) উপ-বিধি (১) এর অধীন ঘোষণা প্রাপ্তির ৭ (সাত) কার্যদিবসের মধ্যে বিভাগীয় কর্মকর্তার নির্দেশে সংশ্লিষ্ট স্থানীয় মূল্য সংযোজন কর কার্যালয়ের রাজস্ব কর্মকর্তা ও ও রাজস্ব এলাকার সহকারী রাজস্ব কর্মকর্তা সংশ্লিষ্ট প্রতিষ্ঠান কর্তৃপক্ষের উপস্থিতিতে সরেজমিনে উক্ত ঘোষণার যথার্থতা তদন্তপূর্বক “ফরম” এর সংশ্লিষ্ট অংশ পূরণ ও স্বাক্ষর করিয়া বিভাগীয় কর্মকর্তার নিকট দাখিল করিবেন।

(৩) উপ-বিধি (২)-এর অধীন দাখিলকৃত “ফরম” প্রাপ্তির ৩ (তিন) কার্যদিবসের মধ্যে বিভাগীয় কর্মকর্তা বিধি ৪ ও ৫ এ বর্ণিত পদ্ধতিতে উক্ত অর্থ বৎসরের সেকশনের পরিমাণ নির্ধারণপূর্বক ঘোষণাপত্রের সংশ্লিষ্ট অংশ পূরণ ও স্বাক্ষর করিয়া এক প্রস্থ তাহার দপ্তরে সংরক্ষণ করিবেন এবং অপর দুই প্রস্থ উক্ত প্রতিষ্ঠান ও স্থানীয় মূল্য সংযোজন কর কার্যালয়ে প্রেরণ করিবেন।

(৪) উক্ত প্রতিষ্ঠান উপ-বিধি (৩) এর অধীন প্রদেয় কর ট্রেজারি চালানের মাধ্যমে নিম্নরূপ তিন কিস্তিতে সরকারি কোষাগারে জমা প্রদান করিবেন, যথা:

(ক) ৩১ শে ডিসেম্বরের মধ্যে প্রদেয় মোট করের ৪০ শতাংশ;

(খ) ১৫ই ফেব্রুয়ারির মধ্যে প্রদেয় মোট করের অবশিষ্ট ৪০ শতাংশ; এবং

(গ) ৩১ শে মার্চের মধ্যে প্রদেয় মোট করের অবশিষ্ট ২০ শতাংশ।

(৫) উক্ত প্রতিষ্ঠান উপ-বিধি (৪) এ বর্ণিত প্রতি কিস্তির কর অর্থনৈতিক কোড ১/১১৩৩/সংশ্লিষ্ট কমিশনারেট কোড/০৩১১ তে ড্রেজারি চালানোর মাধ্যমে জমা প্রদান করিবেন এবং জমা প্রদানের দিন অথবা পরবর্তী কার্যদিবসের মধ্যে উক্ত চালানোর মূল কপি সংশ্লিষ্ট স্থানীয় মূল্য সংযোজন কর কার্যালয়ে প্রেরণ করিবেন।

৭। **ইট পোড়ানোর অনুমতির জন্য আবেদনপত্রের সহিত মূল্য সংযোজন কর প্রত্যয়নপত্র দাখিল।**— (১) কোনো মৌসুমী ইটভাটায় ইট পোড়ানোর অনুমতির জন্য আবেদনপত্রের সহিত পূর্ববর্তী বারো কর মেয়াদের দাখিলপত্রের অনুলিপি সহ সংশ্লিষ্ট মূল্য সংযোজন কর কার্যালয় কর্তৃক প্রদত্ত মূল্য সংযোজন কর পরিশোধের প্রত্যয়নপত্র দাখিল করিতে হইবে। মূল্য সংযোজন কর পরিশোধের প্রত্যয়নপত্র দাখিল করা না হইলে ইট পোড়ানোর অনুমতি প্রদান করা যাইবে না। পূর্ববর্তী করমেয়াদে বকেয়া সহ সমুদয় কর পরিশোধের প্রমাণ আবেদন পত্রের সহিত সংযুক্ত না থাকিলে ইউনিয়ন পরিষদ বা প্রযোজ্য ক্ষেত্রে পৌরসভা, জেলা পরিষদ, পরিবেশ অধিদপ্তর ইট পোড়ানোর জন্য অনুমতি প্রদান করিতে পারিবেন না। এর ব্যত্যয় ঘটিলে অনুমোদনকারী ব্যক্তি অপরিশোধিত কর আদায়ে সহযোগিতা না করার দায়ে দায়বদ্ধ হইবেন।

(২) উপ-বিধি (১) এর অধীন।

৮। **কর চালানপত্র ইস্যু।**— মৌসুমী ইটভাটা হইতে ইট সরবরাহের ক্ষেত্রে আইনের ধারা ৫১ ও বিধিমালার বিধি ৪০ অনুযায়ী উক্ত প্রতিষ্ঠান মুসক ফরম ৬.৩ এ ক্রেতার অনুকূলে একটি চালানপত্র ইস্যু করিবে। কর চালানপত্র ব্যতীত ইট পরিবহনকারী যানবাহন আটক করা যাইবে। এক্ষেত্রে প্রদেয় কর পরিশোধ ব্যতীত ছাড় করা যাইবে না।

৯। **দাখিলপত্র পেশ।**— আইনের ধারা ৬৪ ও বিধিমালার বিধি ৪৭ অনুযায়ী উক্ত প্রতিষ্ঠান মুসক ফরম ৯.১ এ একটি দাখিলপত্র সংশ্লিষ্ট স্থানীয় মূল্য সংযোজন কর কার্যালয়ে জমা প্রদান করিবে।

১০। **জরিমানা, ইত্যাদি।**— (১) এই বিধিমালার কোনো বিধান লঙ্ঘন করিবার ক্ষেত্রে আইনের ধারা ৮৫ অনুযায়ী জরিমানা আরোপ করা যাইবে।

(২) কোনো প্রতিষ্ঠান আরোপিত জরিমানা পরিশোধে ব্যর্থ হইলে, আইনের ধারা ৯৫ অনুযায়ী ব্যবস্থা গ্রহণ করিতে হইবে।

“ফরম”

গণপ্রজাতন্ত্রী বাংলাদেশ সরকার
জাতীয় রাজস্ব বোর্ড
ঢাকা

মূল্য সংযোজন কর (মৌসুমী ইটভাটা) বিধিমালা, ২০১৯
[বিধি ৬ দ্রষ্টব্য]
[ঘোষণাপত্র]

- ১। (ক) ইট প্রস্তুতকারক প্রতিষ্ঠান/ব্যক্তি নাম :
(খ) পিতার নাম:
(গ) মাতার নাম:
- ২। মূসক নিবন্ধন নম্বর:
- ৩। ঠিকানা :
(ক) অফিস (যদি থাকে) :
(খ) ট্রেড লাইসেন্স নং :
(গ) ইটভাটার অবস্থান :
- (১) দাগ নং : ----- (২) খতিয়ান নং : -----
(৩) মৌজা : ----- (৪) গ্রাম : -----
(৫) ইউনিয়ন : ----- (৬) ডাকঘর : -----
(৭) উপজেলা/থানা : ----- (৮) জেলা : -----
- ৪। যে মৌসুমের জন্য ঘোষণা দেওয়া হইতেছে (অর্থ বৎসর) :
৫। ইটভাটার পরিমাপ :
(ক) দৈর্ঘ্য : ----- ফুট। (খ) প্রস্থ : ----- ফুট।
(গ) চিমনির সংখ্যা:-----। (ঘ) প্রতি চিমনির উচ্চতা : ----- ফুট।
(ঙ) চিমনি স্থায়ী না অস্থায়ী -----।
- ৬। ইটের ব্র্যান্ড নাম : -----।
- ৭। ইটভাটায় সেকশনের সংখ্যা :
- ৮। প্রতি সেকশনে যে পরিমাণ ইট পোড়ানো হইবে :
- ৯। প্রদেয় মূল্য সংযোজন করের পরিমাণ (আইনের তৃতীয় তফসিল অনুযায়ী):
- ১০। পূর্ববর্তী বৎসরে প্রদত্ত মূল্য সংযোজন করের পরিমাণ (প্রযোজ্য ক্ষেত্রে) :
- ১১। পূর্ববর্তী বৎসরের মোট বকেয়ার পরিমাণ :
- ১২। ঘোষণা : “আমি/আমরা এই মর্মে অঙ্গীকার করিতেছি যে, উপরে ১-১১ নম্বর ক্রমিকে প্রদত্ত বিবৃতি আমার/আমাদের জ্ঞান ও বিশ্বাস মতে সত্য এবং পূর্ববর্তী বকেয়া রাজস্ব (যদি থাকে)

পরিশোধে সচেষ্ট ও বাধ্য থাকিব। অন্যথায়, আমার/আমাদের বিরুদ্ধে আইনানুগ ব্যবস্থা গ্রহণ করা যাইবে।

তারিখ :

ক্ষমতাপ্রাপ্ত ব্যক্তির স্বাক্ষর :

নাম :

পদবি :

সরেজমিনে প্রাপ্ত তথ্যের ভিত্তিতে তদন্ত প্রতিবেদন
(ক ও খ এর মধ্যে প্রযোজ্যটি বাদে অন্যটি কাটিয়া দিতে হইবে)

(ক) ঘোষণা প্রদানকারী কর্তৃপক্ষের উপস্থিতিতে উল্লিখিত ঘোষণার সত্যতা সরেজমিনে যাচাইপূর্বক সঠিক পাওয়া গিয়াছে।

(খ) ঘোষণার ভিত্তিতে সরেজমিনে যে সমস্ত তথ্য সঠিক পাওয়া যায় নাই তাহা এবং প্রাপ্ত সঠিক তথ্য নিম্নরূপ :

	যাহা সঠিক পাওয়া যায় নাই		প্রাপ্ত সঠিক তথ্য
১।		১।	
২।		২।	
৩।		৩।	
৪।		৪।	

ঘোষণা প্রদানকারী কর্তৃপক্ষের স্বাক্ষর ও তারিখ: নাম: পদবি:	সহকারী রাজস্ব কর্মকর্তার স্বাক্ষর ও তারিখ: নামীয় সিলমোহর	রাজস্ব কর্মকর্তার স্বাক্ষর ও তারিখ: নামীয় সিল:
--	---	---

বিভাগীয় দপ্তর পূরণ করিবে

প্রদত্ত ঘোষণা ও তদন্তের প্রাপ্ত তথ্যের ভিত্তিতে ঘোষণা প্রদানকারী মেসার্স
..... এর ইটভাটায় টি সেকশন
হিসেবে নূনতম ইট উৎপাদনের পরিমাণ এবং অর্থ
বৎসরের জন্য পরিশোধযোগ্য করের পরিমাণ টাকা নির্ধারণ করা হইল।

বিভাগীয় কর্মকর্তার স্বাক্ষর (সিলসহ)

জাতীয় রাজস্ব বোর্ডের আদেশক্রমে,

(হাছান মুহম্মদ তারেক রিকাবদার)
প্রথম সচিব (মূসক নীতি)